



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Clementis XII. ab Anno I. usque ad IV.

Luxemburgi, 1740

XXV. Vocantibus Signaturæ Justitiæ conceditur asus Mantelli Magni, &
Piilei Pontificalis cum illorum ornamentis in solemnibus equitationibus &c.

[urn:nbn:de:hbz:466:1-74733](https://nbn-resolving.org/urn:nbn:de:hbz:466:1-74733)

XXIV.

Vicario, & Officialibus Generalibus Congregationis Galliarum Ordinis Fratrum Eremitarum S. Augustini Excalceatorum nuncupat. indulgetur, ut post vacationem novemdecim, aut viginti circiter mensium ab eorum officiis ad alia eligi possint.

Dat. die 18. Januar. Anno Dom. 1731. Pontif. I.

CLEMENS PAPA XII.

Ad futuram rei memoriam.

Expostulatio Procuratoris Cong. Galliarum hujusce Ordinis: Scilicet ex observantia nonnullorum Capit. Constitut. Officiales Generales sæpe per quadriennium ineligibiles fieri.

Exponi Nobis nuper fecit dilectus filius Timotheus a Sancto Francisco Salefio, Procurator generalis Congregationis Galliarum Ordinis Fratrum Eremitarum Sancti Augustini Excalceatorum nuncupatorum; quod juxta sess. 10. cap. 2. tertiæ partis Constitutionum dictæ Congregationis illius Vicarius generalis, absoluto suo officio, omnesque Officiales generales, qui per dua Capitula immediate subsequentiâ & completa ad aliquod officium, cui competit votum, promoti fuerint, per biennium ineligibiles remanere debeant: ac insuper quod juxta sess. 1. cap. 3. ejusdem tertiæ partis Capitulum generale prædictæ Congregationis de triennio in triennium feria sexta ante Festum Sancti Michaelis Archangeli celebrari solet: necnon juxta sess. 1. cap. 11. ejusmodi tertiæ partis singulæ Provinciæ singulis bienniis feria sexta ante Dominicam tertiam post Festum Resurrectionis Dominicæ Capitulum generale celebrare consueverunt; unde fit, ut, eodem Capitulo generali quatuor circiter mensibus post Capituli generalis celebrationem sæpius adveniente, iidem Vicarius generalis, & alii Officiales generales in prædicto Capitulo absoluti juxta primum sess. supradictum in Capitulo Provinciali post viginti circiter menses subsequenti ineligibiles sint, & consequenter per quatuor ferè annos ad omnia officia Provincialia inhabiles remanentes: quod sane bono Provincialiarum non mediocriter nocet; sic enim Provinciæ hujusmodi auxiliis virorum, quos zelus & experientia in rebus Religionis veratissimos fecerunt, privantur: sic quandoque minus digni ad officia elevantur: & denique bonum spirituale sive temporale earundem Provincialiarum deperit.

Concessio de qua in Summ.

§. 1. Cum autem, sicut eadem expositio subjungebat, dictus Timotheus Procurator generalis, ut imposterum Vicarius generalis, ac omnes Officiales generales absoluti, in Capitulo generali subsequente Capitulum Provinciale quatuor circiter mensibus in Capitulo Provinciali proxime futuro eligibiles sint, ita ut ipsis novemdecim aut viginti circiter mensibus vacasse sufficiat, per Nos statui & ordinari plurimum desideret. Nobis propterea humiliter supplicari fecit, ut in præmissis opportune providere, & ut infra indulgere de benignitate Apostolica dignaremur. Nos igitur ipsum Timotheum Procuratorem generalem specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, a jure vel ab homine quavis occasione vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, hujusmodi supplicationibus inclinati, ejusdem Timothei Procuratoris generalis precibus auctoritate Apostolica tenore præsentium benigne indulgemus.

Harum literarum robur.

§. 2. Decernentes eandem præsentem literas semper validas & efficaces existere & fore, suasque plenarias & integros effectus fortiri, & obtinere; ac illis ad quos spectat, & pro tempore quomodolibet spectabit, in omnibus & perque

omnia plenissime suffragari, & ab eis respectivè inviolabiliter observari; sicque in præmissis per quoscumque Judices ordinarios & delegatos, etiam Casuarum Palatii Apostolici Auditores, judicari & diffiniri debere; ac irritum & inane, si secus super his a quoquam quavis auctoritate scienter vel ignoranter contigerit attentari. Non obstant. præmissis, ac Constitutionibus & ordinationibus Apostolicis, necnon dictæ Congregationis, etiam juramento; confirmatione Apostolica, vel quavis firmitate alia roboratis statutis, & consuetudinibus, privilegiis quoque, indulgentiis, & literis Apostolicis in contrarium præmissorum quomodolibet concessis, confirmatis, & innovatis. Quibus & singulis illorum tenores præsentibus pro sufficienter expressis, & ad verbum insertis habentes, illis alias in suo robore permanentibus, ad præmissorum effectum hæc vice dumtaxat specialiter & expresse derogamus, cæterisque contrariis quibuscumque.

Contrarium derogatio.

§. 3. Volumus autem; ut earundem præsentium literarum transumptis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides tam in Judicio quam extra illud habeatur, quæ præsentibus haberetur, si forent exhibitæ vel ostensæ.

Fides Transumptorum.

Datum Romæ apud Sanctam Mariam Majorem sub Annulo Piscatoris die 18. Januarii 1731. Pontificatus Nostri Anno Primo.

F. Card. Oliverius.

Votantibus Signaturæ Justitiæ conceditur usus Mantelli Magni, & Pilei Pontificalis cum illorum ornamentis in solemnibus equitationibus &c.

XXV.

Eisdem Potantibus Galeri redimiculum, vulgò Cordone, Violacei coloris concessit Benedictus XIII. Const. Romani Pontificis &c. die 12. Julii 1727.

CLEMENS PAPA XII.

Ad perpetuam rei memoriam.

Redita Nobis divinitus dispensationis ratio postulat, ut illos, qui laudabilem in gravibus Nostri & Apostolicæ Sedis ministeriis operam impendunt, peculiari paternæ charitatis affectu prosequentes, gratias & privilegia eis in præmium, laborum suorum a Romanis Pontificibus Prædecessoribus Nostri prudenti liberalitate concessa; uberiori benignitate ampliamus, sicut eorum meritis convenire arbitramur.

Dat. die 25. Januarii Anno 1731. Pontif. An. I.

Exordium.

§. 1. Alias siquidem Benedictus XIII. Prædecessor Noster tunc & pro tempore existentibus Signaturæ nostræ Justitiæ, tunc suæ, Votantibus, ut ipsi Galeri redimiculum, Cordone vulgariter nuncupat. coloris Violacei quibusvis functionibus & actibus publicis ac privatis ubique deferre & gestare libere & licite possent & valerent, concessit & indulgit, & alias prout in ipsius Benedicti Prædecessoris desuper in simili forma Brevis die 12. Julii 1727. expeditis, quarum tenorem præsentibus pro plene & sufficienter expresso ac inserto haberi volumus, uberiori continetur.

Ufus Cordonis violacei Votantibus Signaturæ concessus a Bened. XIII.

§. 2. Nunc autem Nos ad præclara dilectorum filiorum modernorum Votantium Signaturæ Justitiæ hujusmodi merita paternæ dirigentes considerationis intuitum, ac benigne perpenderes, quantum ex eorum Tribunali seu Collegio Romanæ Curie decoris, quantumve ex sedulo illorum labore Ecclesiæ Catholicæ proveniat utilitatis; eosque proinde, ac illorum Successores, ut eo alacrius fidem, operam, industriamque, atque sedulitatem in hujus Sanctæ Sedis

Eisdem Mantello Magno, cæterisque suprad. uti conceditur.

obsequium

obsequium adhibere studeant, amplioris favore gratiæ prosequi volentes, & ipsorum modernorum Votantium singulares personas a quibusvis excommunicationis, suspensionis, & Interdicti, aliisque Ecclesiasticis sententiis, censuris, & penis, a jure vel ab homine quavis occasione vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes, Motu proprio, ac ex certa scientia & mera liberalitate Nostri, deque Apostolicæ potestatis plenitudine, prædictis modernis & pro tempore existentibus Votantibus Signaturæ Justitiæ hujusmodi usum Mantelli Magni, Mantellone vulgariter nuncupato, ac Pilei Pontificalis, ac eorundem ornamentorum, quibus Cappellani Nostri, & Causarum Palatii Apostolici Auditores, ac Camera Apostolicæ Clerici Præsidentes in solemnibus equitationibus utuntur & fruuntur, tenore præsentium concedimus pariter & indulgemus.

§. 3. Decernentes easdem præsentem literas semper firmas, validas, & efficaces existere & fore, suosque plenarios & integros effectus sortiri & obtinere, ac illis, ad quod spectat & pro tempore spectabit, in omnibus & per omnia plenissime suffragari; sique in præmissis per quoscumque Judices ordinarios & delegatos, etiam Causarum Palatii Apostolici Auditores, ac S. R. E. Cardinales, etiam de Latere Legatos, & alios quoslibet quacumque præminentia & potestate fungentes & functuros, sublata eis & eorum cuilibet quavis aliter judicandi & interpretandi facultate & auctoritate, judicari & definiiri debere; ac irritum & inane, si secus super his a quoquam quavis auctoritate scienter vel ignoranter contigerit attentari. Non obstantibus Constitutionibus & ordinationibus Apostolicis, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 25. Januarii 1731. Pontificatus Nostri Anno Primo.

F. Cardinalis Oliverius.

XXVI.

Confirmatur Breve Benedicti XIII. super dismembratione quorundam Conventuum a Provincia Terræ Laboris Ordinis Fratrum B. M. de Monte Carmelo, ac erectione Provinciæ Neapolitanæ.

Dat. die 27. Januarii Anno 1731. Pontif. I.

CLEMENS PAPA XII.

Ad futuram rei memoriam.

Exordium.

EX injuncto Nobis divinitus Pastoralis officii munere illis, quæ pro felici Religiosorum Virorum directione & tranquillitate provide prouiderentur ab hac Sancta Sede constituta esse noscuntur, ut firma semper atque illibata persistant, libenter, cum id a Nobis petitur, Apostolici muniminis Nostri præsidium adiungimus.

Causæ erectionis Provinciæ Neapolitanæ a Bened. P. P. XIII. factæ.

§. 1. Alias siquidem se, re. Benedictus PP. XIII. Prædecessor Noster ad sedanda gravia animorum dissidia, quæ inter Religiosos Conventus Carmeli Majoris nuncupati Civitatis Neapolitanæ, Provinciæ Terræ Laboris Ordinis B. Mariæ de Monte Carmelo, ac reliquos Fratres Provinciæ hujusmodi intercedebant, eundem Conventum Carmeli Majoris cum decem ejus Grangiis, necnon quinque alios Conventus a prædicta Provincia dismembravit, illosque in novam ipsius Ordinis Provinciam Neapolitanam denominandam erexit, facta tunc existentis Procuratori Generali dicti Ordinis potestate novæ Provinciæ sic erectæ incorporandi alium Conventum, Montis Sancti itidem nuncupatum, Civitatis & Or-

dinis præfatorum, qui dudum Acephalus, ac independens reperiebatur; statuitque, ut electio Prioris Provincialis, cæterorumque Superiorum & Officialium ejusdem novæ Provinciæ ad præscriptum Constitutionum dicti Ordinis, Apostolica auctoritate confirmatarum, quamprimum fieret, & alias, prout uberius continetur in ipsius Benedicti Prædecessoris literis desuper in simili forma Brevis expeditis, tenoris, qui sequitur videlicet: BENEDICTUS PP. XIII. *Ad perpetuam rei memoriam.* Inter gravissimas Apostolicæ servitutis curas &c.

Cætera legere est in Constitutione LVI. in Tom. XIII. pag. 165.

§. 2. Cum autem, sicut pro parte dilectorum filiorum Fratrum supradictæ Provinciæ Terræ Laboris Nobis nuper expositum fuit, præfata Benedicti Prædecessoris literæ ante quinquennium executioni demandatæ fuerint, ex eo vero tempore dicta Provincia summa quiete & pace religiosa, benedicente Domino, fruatur, non sine modico in ea regularis disciplinæ incremento; ac interim bina ibidem Capitula Provincialia sine ulla vel minima perturbatione celebrata fuerint, ac propterea ipsi Exponentes præmissa pro majori eorum robore & subsistentia, exactioreque observantia, Apostolicæ confirmationis Nostre patrocinio communiti summopere desiderant; Nos eorundem Exponentium votis hac in re, quantum cum Domino possumus, favorabiliter annuere volentes, illorumque singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis, a jure vel ab homine quavis occasione vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, præinsertas Benedicti Prædecessoris literas, cum omnibus & singulis in eis contentis, eadem auctoritate Apostolica tenore præsentium approbamus & confirmamus, illisque inviolabilis Apostolicæ firmitatis robur adjicimus.

§. 3. Decernentes easdem præsentem literas semper firmas, validas, & efficaces existere & fore, suosque plenarios & integros effectus sortiri & obtinere; ac illis, ad quos spectat, & pro tempore quodcumque spectabit, in omnibus & per omnia plenissime suffragari, & ab eis respectu inconvulso observari; sique in præmissis per quoscumque Judices ordinarios & delegatos, etiam Causarum Palatii Apostolici Auditores, ac ejusdem S. R. E. Cardinales, etiam de Latere Legatos, & alios quoslibet quacumque præminentia & potestate fungentes & functuros, sublata eis & eorum cuilibet quavis aliter judicandi & interpretandi facultate & auctoritate, judicari & definiiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§. 4. Non obstantibus Constitutionibus & ordinationibus Apostolicis, necnon omnibus & singulis illis, quæ in præinsertis literis concessa sunt non obtare, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die 27. Januarii 1731. Pontificatus Nostri Anno Primo.

F. Card. Oliverius.

Confirmatur Resolutio nuperi Capituli Generalis Ordinis Carmelitarum Excalceatorum, ac Breve confirmationis Benedicti Papæ XIII. circa nonnulla humilitatis officia per eundem Ordinem Donatos exercenda, cum derogatione cujusdam decreti ab Auditore ejusdem

Ad petitionem Fratrum Provinciæ ejusdem.

Literæ Benedicti PP. confirmantur.

Addita Brevis hujusce validitate, & observantia.

Cum contrariis derogatione.

XXVII.

Papæ